

摘藻堂四庫全書薈要

史部

欽定四庫全書薈要

史部

文獻通考卷二百六十四



欽定四庫全書薈要卷九千五百八十五

史部

文獻通考卷二百六十四

鄱陽馬端臨貴與著

封建考五

春秋列國傳授本末事跡

周

周姬姓公爵國在王畿內扶風雍縣唐改為天興成王
封周公於魯周公元子伯禽就封於魯次子留相王室

代為周公 桓公五年鄭伯不朝王以諸侯伐鄭鄭禦

之王為中軍號公林父將右軍蔡衛屬焉周公黑肩將

左軍陳人屬焉

黑肩即周桓公也

王卒大敗

十八年周公欲

弑莊王而立王子克

莊王弟

辛伯告王遂與王殺周公黑

肩王子克奔燕初子儀有寵於桓王

子儀即王子克

桓王屬諸

周公辛伯諫曰並后

妾如后

匹嫡

庶如嫡

兩政

臣擅命

耦國

都如

國亂之本也周公弗從故及 僖公九年周公會齊侯

及諸侯盟於葵丘

周公宰孔也

王使宰孔賜齊侯胾

二十

四年顏叔桃子奉太叔以狄師伐周大敗周師獲周公

忌父原伯毛伯富辰 三十年王使周公閱來聘饗有

昌歜白黑形鹽

昌歜昌蒲菹白熬稻黑熬黍形鹽鹽形象虎

辭曰國君文足

昭也武可畏也則有備物之饗以象其德薦五味羞嘉

穀鹽虎形以獻其功吾何以堪之 文公十四年頃王

崩周公閱與王孫蘇爭政故不赴周公與王孫蘇訟於

晉王叛王孫蘇

王匡

而使尹氏與聃啓訟周公於晉趙

宣子平王室而復之 成公十一年周公楚惡惠襄之

偪也

惠王褻王之族

且與伯輿爭政

伯輿周卿士

不勝怒而出及陽

樊王使劉子復之盟於鄆而入三日復出奔晉

王既復之而復

出所以自

絕於周

召

召姬姓伯爵國在王畿內雍縣東南今王屋縣召康公

奭受封於燕而食采於召其後世世輔王室厲王行

暴虐國人謗王召穆公虎諫曰民不堪命矣王怒得衛

巫使監謗者以告則殺之國人莫敢言道路以目王告

召公曰吾能弭謗矣召公曰是鄭之也防民之口甚於防川川壅而潰傷人必多民亦如之王不聽國人畔襲王王出奔彘太子靜匿召公之家國人圍之召公曰昔吾驟諫王王不從以及此難也今殺王太子王其以我為讐而懟怒乎乃以其子代王太子太子得脫周公召公二相行政號曰共和十四年厲王死於彘太子靜長於召公家二相共立之是為宣王宣王即位命穆公平淮夷告成於王王錫以圭瓚秬鬯一卣錫之土田

穆公作常武之詩以美宣王 僖公十一年王使名武

公賜晉惠公命 宣公十五年王孫蘇與名氏毛氏爭

政使王子捷殺名戴公及毛伯衛卒立名襄

襄名戴公之子

成公八年王使名桓公來賜魯公命 昭公二十二年

景王崩既葬王子朝因舊官百工之喪職秩者與靈景

之族以作亂逐劉子單子王子還與名莊公謀殺單子

還及名莊公與皆子朝黨

二十六年召伯盈逐王子朝

伯盈本子朝黨晉師

克鞏知子朝不成更逐之而立敬王

王子朝及名氏之族毛伯得尹氏固

南宮嚚奉周之典籍以奔楚召伯逆王於尸及劉子單

子盟

召伯新還故盟

二十九年三月京師人殺召伯盈尹氏

固及原伯魯之子

晉子朝黨也

劉

劉姬姓子爵國在畿內河南緱氏縣西北今緱氏西城
舊有劉亭劉子世為王卿士 宣公十年劉康公報聘

於魯

去年王來徵聘孟獻子聘於周也

成公元年晉侯使瑕嘉平戎

於王劉康公徵戎將遂伐之叔服曰背盟而欺大國必

敗不聽遂伐茅戎敗績於徐吾氏 十一年晉卻至與

周爭鄆田王命劉康公單襄公訟諸晉卻至曰溫吾故也故不敢失劉子單子曰昔周克商使諸侯撫封蘇忿生以溫為司寇與檀伯達封於河蘇氏即狄又不能於狄而奔衛襄王勞文公而賜之溫狐氏陽氏先處之而後及子若治其故則王官之邑也子安得之晉侯使卻至勿敢爭 十三年劉康公會晉侯及諸侯伐秦成肅公受賑於社不敬劉子曰吾聞之民受天地之中以生

所謂命也是以有動作禮義威儀之則以定命也能者
養之以福不能者敗以取禍是故君子勤禮小人盡力
勤禮莫如致敬盡力莫如敦篤敬在養神篤在守業國
之大事在祀與戎祀有執膳戎有受脰神之大事也今
成子情棄其命矣其不反乎 十四年王使劉定公賜
齊侯命 昭公元年晉趙武楚公子圍會諸侯於虢王
使劉定公勞趙孟於潁館於洛汭劉子曰美哉禹功明
德遠矣微禹吾其魚乎吾與子弁冕端委以治民臨諸

侯禹之力也子盍亦績禹功而大庇民乎對曰老夫罪戾是懼焉能恤遠吾儕偷食朝不謀夕何其長也劉子歸以語王曰諺所謂老將至而耄及之者其趙孟之謂乎為晉正卿以主諸侯而儕於隸人朝不謀夕棄神人矣神怒民叛何以能久趙孟不復年矣昭公二十二年

初王子朝賓起有寵於景王

子朝景王長庶子賓起子朝傳

王與賓

孟說之

孟即賓起

欲立之劉獻公之庶子伯蚩事單穆公

獻公

劉摯伯蚩劉狄穆公單旗

惡賓孟之為人也願殺之又惡王子朝之

言以為亂願去之

子朝有欲位之言

夏王田北山使公卿皆從

將殺劉子單子

王知劉單不欲立子朝欲先期殺之

王有心疾乙丑崩於

榮錡氏戊辰劉子摯卒無子單子立劉蚩五月庚辰見

王

見王猛

遂攻賓起殺之盟羣王子於單氏丁巳葬景王

王子朝因舊官百工之喪職秩者與靈景之族以作亂

靈王景王之子也

帥郊要餞之甲

三邑周地

以逐劉子劉子奔揚單

子逆悼王於莊宮以歸王子還夜取王以如莊宮

王子還子

朝黨不欲使單子得王猛故取之

癸亥單子出

失王故出奔

王子還與召莊

公謀曰不殺單旗不捷遂奉王以追單子及領大盟而

復

領周地欲重盟令單子劉子復歸然後背盟殺之

殺摯荒以說劉子如劉單

子亡奔於平時

知還欲背盟故奔

羣王子追之單子殺還姑發

弱醜延定稠

八子靈景之族因戰而殺之

子朝奔京

其黨死故

丙寅伐之

單子伐京

京人奔山劉子入於王城

子朝奔京故得入

辛未鞏簡公

敗績於京乙亥甘平公亦敗焉

甘鞏二公周卿士為子朝所敗

單子欲

告急於晉以王如平時遂如圍車次於皇

出次以示急

劉子

如劉單子使王子處守於王城

守王城距子朝

盟百工於平宮

鄴盱伐皇大敗

子朝黨

司徒醜以王師敗績於前城百工

叛

司徒醜敗故

伐單氏之宮敗焉

百工伐單氏為單氏所敗

庚午反伐之

單氏反伐百工

辛未伐東園

百工所在

冬十月丁巳晉籍談荀躒帥

九州之戎及焦瑕溫原之師以納王於王城庚申單子

劉蚩以王師敗績於郊

為子朝之黨所敗

前城人敗陸渾於社

前城子朝衆

十一月乙酉王子猛卒不成喪也

未即位周人謚曰悼王所

以不稱崩

已丑敬王即位

子猛母弟

館於子旅氏

周大夫

二十三

年四月單子取訾劉子取牆人直人

三邑屬子朝

六月王子

朝入於尹

自京入尹氏之邑

癸未尹圉誘劉佗殺之

尹圉尹文公也劉佗

劉蚩族敬主黨

丙戌單子從阪道劉子從尹道伐尹單子先至

而敗劉子還己丑召伯奭南宮極以成周人戍尹

二子周卿

士子朝黨

庚寅單子劉子樊齊以王如劉

辟子朝出居劉子邑

甲午王

子朝入於王城次於左巷鄆羅納諸莊宮

周大夫

尹辛敗

劉師於唐丙辰又敗諸鄆甲子尹辛取西闡

西闡周地

丙寅

攻蒯蒯潰

二十六年單子如晉告急劉人敗王城之

師於尸氏

劉人劉蚩之屬王城子朝之徒

戊辰王城人劉人戰於施谷

劉師敗績七月劉子以王出

師敗故

次於渠

周地

王城人焚

劉王宿於褚氏晉知蹠趙鞅帥師納王召伯盈逐王子

朝子朝奔楚召伯逆王於尸及劉子單子盟癸酉王入

於成周 定公四年劉文公會晉及諸侯于召陵謀伐

楚也 七年周儋翩入於儀栗以叛

儀栗周邑

單武公劉桓

公敗尹氏於窮谷

尹氏復黨儋翩共為亂也

八年劉子伐儀栗伐

孟以定王室

討儋翩之黨

哀公三年初劉氏范氏世為婚

姻襄弘事劉文公故周與范氏趙鞅以為討六月周人

殺莨弘及定王時劉氏亡

國語

單

單姬姓伯爵國在畿內單伯世為王卿士 莊公十四

年齊侯以諸侯伐宋

以其背北杏之會故也

齊請師於周

欲崇天子假王

命以示大順

單子會之取成於宋而還

文公十四年魯襄

仲使告於王請以王寵求叔姬於齊

叔姬魯女齊昭公夫人生子舍無寵

為公子商人弑之而自立

曰殺其子焉用其母請受而罪之冬單子

如齊請于叔姬齊人執之

恨魯恃王勢求女

又執子叔姬 十

五年齊人許單伯請而赦之使致命於魯 成公元年

晉侯使瑕嘉平戎於王單襄公如晉拜成 十一年卻

至與周爭鄆田王命劉康公單襄公訟諸晉 語見劉子 十

七年單子會晉侯及諸侯之師伐鄭 襄公三年公會

單頃公及諸侯同盟於雞澤 十年王叔陳生與伯輿

爭政 二子王卿士 晉侯使士匄平王室王使叔氏與伯輿合

要 要辭也 王叔氏不能舉其契王叔奔晉單靖公為卿士

以相王室 代王叔 昭公十一年單子會韓宣子於戚視

下言徐叔向曰單子其將死乎朝有著定

著定朝內列位常處謂之

表著會野會設表有表

以為位

衣有襜帶有結

結 襜領會

會朝之言

必聞於表著之位所以昭事序也視不過結襜之中所

以道容貌也言以命之容貌以明之失則有關今單子

為王官伯而命事於會視不登帶言不過步貌不道容

而言不昭矣不道不共不昭不從無守氣矣冬單成公

卒景王鑄大錢及無射單穆公諫不聽 二十二年景

王崩劉子單子立王子猛王子朝作亂

語見劉子

定公八

年單子伐穀城簡城以定王室

討僭
之亂

祭

祭姬姓伯爵周公之後國於畿內在陳留長垣縣今鄭
州管城有祭城世為王卿士 穆王將征犬戎祭公謀

父諫曰不可先王耀德不觀兵夫兵戢而時動動則威

觀則玩玩則無震

韋昭曰
震懼也

是故周文公之頌

韋昭曰文
公周公旦

之曰載戢干戈載橐弓矢

唐固曰
橐韜也

我求懿德肆于時夏

允王保之

韋昭曰言武王常求美德故陳其功於是夏
而歌之信哉武王能保此時夏之美樂章大

者曰先王之於民也茂正其德而厚其性阜其財求而

利其器用明利害之鄉

韋昭曰鄉方也

以文修之使之務利而

辟害懷德而畏威故能保世以滋大昔我先王世后稷

韋昭曰謂棄與不密也

唐固曰父子相繼曰世

以服事虞夏及夏之衰也

正義曰謂

太康也

棄稷不務

正義曰言太康棄廢稷官

我先王不密用失其官而

自竄於戎狄之間不敢怠業時序其德遵修其緒

徐廣曰遵

一作纂

修其訓典朝夕恪勤守以敦篤奉以忠信奕世載

德不忝前人

正義曰前人謂后稷也言不密亦世載德不忝后稷及文王武王無不務農事

至

於文王武王昭前之光明而加之以慈和事神保民無

不欣喜商王帝辛大惡於民庶民不忍訴戴武王以致

戎於商牧

正義曰紂近郊地名牧野

是故先王非務武也勤恤民隱

而除其害也夫先王之制邦內甸服邦外侯服侯衛賓

服

韋昭曰此總言之也侯侯圻衛衛圻也

夷蠻要服戎翟荒服甸服者祭

韋昭曰供日祭

侯服者祀

韋昭曰供月祀

賓服者享

韋昭曰供時享

要服者貢

韋昭曰供歲貢

荒服者王

韋昭曰王王事天子也詩曰莫敢不來王

日祭月祀時享

歲貢終王先王之順祀也

徐廣曰外傳云先王之訓

有不祭則修意

韋昭曰先修志意以自責也畿內近知王意也

有不祀則修言

韋昭曰言號令也

有不

享則修文

韋昭曰文典法也

有不貢則修名

韋昭曰名謂尊卑職貢之名號

有

不王則修德

韋昭曰遠人不服則修文德以來之

序成而有不至則修刑

韋昭曰序成謂上五者次序已成有不至則有刑罰也

於是有刑不祭伐不祀征

不享讓不貢告不王於是而有刑罰之辟有攻伐之兵有

征討之備有威讓之命有文告之辭布令陳辭而有不

至則增修於德無勤民於遠是以近無不聽遠無不服

今自大畢伯士之終也

徐廣曰犬戎之君

犬戎氏以其職來王

正義賈逵云大畢伯士犬戎氏之二君也白狼白鹿犬戎之職貢也按大畢伯士終後犬戎氏常以其職來王

天子曰

正義曰祭公言穆王之意故云天子曰

予必以不享征之且觀之

兵無乃廢先王之訓而王幾頓乎

正義曰幾音祈

吾聞犬戎樹

敦

徐廣曰樹一作檄駟案韋昭曰樹立也言犬戎立性敦篤也

率舊德而守終純固

其有以禦我矣王遂征之得四白狼四白鹿以歸自是

荒服者不至王欲肆其心周行天下將必有車轍馬跡

焉祭公謀父作祈招之詩以止王心

祈父周司馬世掌甲兵之職招其名

祭公方諫游行故指司馬官而言

其詩曰祈招之愔愔式昭德音思我

王度式如玉式如金形民之力而無醉飽之心王是以

獲沒於祗宮

獲沒不見墓拭

隱公元年祭伯來非王命也

釋

以不稱使

桓公八年祭公來遂逆王后於紀

凡

凡姬姓伯爵周公之後國於畿內在汲郡共縣今衛州
共城縣世為王卿士 厲王幽王之時凡伯作板瞻印
召旻諸詩以刺王 隱公七年戎朝於周發幣於公卿
凡伯弗賓冬王使凡伯來聘還戎伐之于楚丘以歸

蘇

蘇其姓未詳子爵周武王時蘇忿生為司寇封於溫為

畿內之國地在河內溫縣幽王時蘇成公與暴辛公

共為卿士為暴公所譖作何人斯隱公十一年王取

鄆劉為邾之田於鄭而與鄭人蘇忿生之田溫原絺樊

隰邾欒茅向盟州陘隤懷

時蘇氏叛王十二年王不能有故以與鄭

莊公

十九年為國邊伯石速詹父子禽祝跪作亂因蘇氏

桓王

奪蘇十二邑以與鄭自此以來遂不和

秋五大夫奉子頹以伐王不克

出奔溫

蘇邑

蘇子奉子頽以奔衛衛燕伐周納子頽

僖

公十年狄滅溫蘇子無信也蘇子叛王即狄不能於狄

狄人伐之王不救故滅蘇子奔衛 文公十年及蘇子

盟於女栗頃王立故也

僖十年狄滅溫今復見蓋王復之

成十一年

晉卻至與周爭鄆田王命劉康公單襄公訟諸晉卻至

曰溫吾故也故不敢失

言溫卻氏舊邑

劉子單子曰昔周克商

使諸侯撫封

各撫有其封內之地

蘇忿生以溫為司寇與檀伯達

封於河

謂俱封於河內

蘇氏即狄又不能於狄而奔衛襄王勞

文公而賜之溫狐氏陽氏先處之

狐漆陽處父
先食溫也

而後及

子若治其故則王官之邑也子安得之晉侯使卻至勿
敢爭

毛

毛姬姓伯爵文王之後封於毛地在畿內成王時為卿
士與召公芮伯彤伯畢公衛侯同受顧命立康王自此
世為王卿士 文公元年王使毛伯衛來賜公命 九

年毛伯衛來求金

襄王崩求金
以共葬事

宣公十五年王孫蘇

與召氏毛氏爭政使王子捷殺召戴公及毛伯衛 昭

公十八年二月乙卯周毛得殺毛伯過

得過之族

而代之萇

弘曰毛得必亡是昆吾稔之日也侈故之以

昆吾夏伯稔侈惡

積熟以乙卯

日與桀同誅

而毛得以濟侈於王都不亡何待

二十

六年尹氏召伯毛伯以王子朝奔楚

語見劉子

右周召劉單祭凡蘇毛皆王畿內之國世為王卿

士先王之時諸侯之有功德者則入輔王室如成

王時召太保芮伯彤伯畢公衛侯毛公為六卿召

畢毛皆兼三公齊侯呂伋為王虎賁氏後來如衛
鄭二武公亦入為王卿士皆外諸侯也東遷而後
王室微弱號令不能行於畿外春秋之初鄭與虢
尚迭為卿士然爭政怨怒至於交質交惡稱兵構
逆王夷師燬而名義蕩然矣其後號為晉所滅鄭
亦不復聽王室之令齊晉迭伯而列國之所為奔
走後先者知有盟主而已王室之政付之畿內食
采邑之小國然溫已叛去其地入於狄與晉凡祭

僅再見於隱桓之間而已後不復聞惟周召劉單
世執王室之政柄云

徐

徐嬴姓子爵出自柏翳國始封於夏歷殷周國在下邳
僮縣今泗州臨淮有徐城 武王崩成王幼周公攝政

三監及徐商奄叛周周公討之殺管蔡武庚踐奄

踐滅也

寧東土及伯禽封於魯而徐戎淮夷復寇東郊伯禽討
之作費誓 穆王西巡守樂而忘歸徐君誕僭稱偃王

行仁義除刑爭四方諸侯爭辯者無所質正咸賓祭於
徐贅玉帛死生之物於徐庭者三十六國得朱弓赤矢
之瑞穆王聞之乃命造父御長驅而歸與楚連謀伐徐
偃王失國走死彭城武原山下宣王時徐方不庭王
命太師皇父程伯休甫總六師以討之僖公三年徐

人取舒

舒國亦廬江舒縣勝國
而不用大師亦曰取

十五年春楚人伐徐

徐即諸夏故也三月齊侯及諸侯盟於牡丘尋葵丘之
盟且救徐也孟穆伯帥師及諸侯之師救徐諸侯次於

臣以待之 冬楚敗徐于婁林徐恃救也

恃齊救

十七

年春齊人為徐伐英氏以報婁林之役也

文公七年

徐伐莒

成公七年吳伐巢伐徐楚子重奔命救巢徐

昭公四年楚子會諸侯于申徐子吳出也以為貳焉

故執諸申

六年徐儀楚聘於楚

儀楚徐大夫

楚子執之逃

歸懼其叛也使蘧洩伐徐吳救徐敗楚師於房鍾 十

二年楚子狩於州來次於潁尾使蕩侯潘子司馬督囂

尹午陵尹喜帥師圍徐以懼吳楚子次於乾溪以為之

援 十六年齊侯伐徐師至於蒲隧

徐地

徐人行成徐子

及郟人莒人會齊侯盟於蒲隧賂以甲父之鼎叔孫昭

子曰諸侯之無伯害哉

為小國害

齊君之無道也興師而伐

遠方會之有成而還莫之亢也

元稹也

無伯也夫 三十

年吳子伐徐防山以水之

防壅山水以灌徐

己卯滅徐徐子章

禹斷其髮

自刑示懼

攜其夫人以逆吳子吳子唁而送之使

其邇臣從之遂奔楚楚沈尹成帥師救徐弗及遂城夷

使徐子處之

夷城父也

先儒林少穎言周自文武興於西土而化行於南
故西夷最先服而東夷之昭為最後是以武王牧
野之戰方與商師決勝負於行陣之間而西南夷
之邦所謂庸蜀羌髳微盧彭濮者已皆作使而成
王之即政天下已太平矣東夷之徐奄猶興兵以
叛也愚按徐雖柏翳之後有國已久而俗流於夷
周初一叛於三監流言之時再叛於伯禽撫封之
日周公魯公僅能定之至穆王稍有荒縱遠狩之

失而偃王者遽爾僭號侈然有朝諸侯有天下之意洎厲王無道宣王撥亂之始而繹騷於南國者又徐也然則徐於西周之時蓋常常稱亂於東南及東遷之後徐始微弱而東南之鴟張僭竊北向以爭諸侯者荆楚吳越相繼興矣其後徐益以弱服屬於吳楚之間而卒不得免焉然吳楚倔強於東周衰微之後而徐倔強於西周鼎盛之時則其初本非弱國也

戎

隱公二年公會戎於潛修惠公之好也戎請盟公辭

陳留

濟陽縣東
南有戎城

戎請盟秋盟於唐復修戎好也

七年初戎

朝於周發幣於公卿凡伯弗賓冬王使凡伯聘於魯還
戎伐之于楚丘以歸 九年北戎侵鄭鄭伯禦之患戎

師曰彼徒我車懼其侵軼我也公子突曰使勇而無剛

者嘗冠而速去之

突鄭厲公嘗試也勇
則能往無剛不恥退

君為三覆以待

之覆伏兵 戎輕而不整貪而無親勝不相讓敗不相救先

者見獲必務進進而遇覆必速奔後者不救則無繼矣

乃可以逞從之戎人之前遇覆者奔祝聃逐之衷戎師

戎前後及中遇三覆皆受敵故曰衷戎師

前後擊之盡殪戎師大奔十一月

甲寅鄭人大敗戎師 桓公六年北戎伐齊齊侯使乞

師於鄭鄭太子忽帥師救齊六月大敗戎師獲其二帥

大良少良甲首三百以獻於齊於是諸侯之大夫戍齊

莊公十八年公追戎於濟西不言其來諱之也

戎來侵魯

魯不知云乃追之故諱不言其來

二十年齊人伐戎 三十年魯公

及齊侯遇於魯濟謀山戎也以其病燕故也

北燕幽薊

齊人

伐山戎

山戎北狄

三十一年齊侯來獻戎捷穀梁傳曰桓

內無因國外無從諸侯而越千里之險北伐山戎危之

也

內無因緣山戎左右之國為內間者外無諸侯者不煩役寮國

則非之乎善之也何

善乎爾燕周之分子也

召康公之後周之別子孫

貢職不至山戎為

之伐矣

閔公二年號公敗犬戎於渭南

犬戎西戎別在中國者

僖公二年號公敗戎於桑田

桑田號地在弘農陝縣

十年齊

侯許男伐北戎

十一年揚拒泉臯伊雒之戎同伐京

師入王城焚東門

揚拒泉臯晉戎邑及諸雜居伊水洛水之間者今伊闕北有泉亭

王

子帶召之也

子帶召戎欲因以篡位

秦晉伐戎以救周秋晉侯平

戎於王

十二年王以戎難故討王子帶王子帶奔齊

冬齊侯使管夷吾平戎於王使隰朋平戎於晉

平和也前

年晉救周伐戎故戎與周晉不和

十三年為戎難故諸侯戍周齊仲

孫湫致之

十六年王以戎難告於齊齊徵諸侯而戍

周二十二年初平王之東遷也辛有適伊川見被髮

而祭於野者曰不及百年此其戎乎其禮先亡矣秋秦

晉遷陸渾之戎於伊川

允姓之戎居陸渾在秦晉西北二國誘而徙之遂去戎號至今

為陸渾縣也

三十三年晉及姜戎敗秦師於殽 文公八

年魯公子遂會伊雒之戎盟於暴

暴鄭地

十六年楚大

饑戎伐其西南至於阜山師於大林又伐其東南至於

陽丘以侵訾枝

戎山夷也大林陽丘訾枝皆楚邑也

十七年周甘鵠敗

戎於邠垂乘其飲酒也

歟周大夫邠垂周地在河南新城縣北

宣公三

年楚子伐陸渾之戎遂至於雒觀兵於周疆定王使王

孫滿勞楚子 成公元年晉侯使瑕嘉平戎於王

平文十七

年邠垂
之役

單襄公如晉拜成劉康公徼戎將遂伐之

欲要其無

備

叔服曰背盟而欺大國此必敗背盟不祥欺大國不

義將何以勝不聽遂伐茅戎三月癸未敗績於徐吾氏

徐吾氏茅

戎之別也

六年晉伯宗夏陽說衛孫良夫甯相鄭人

伊雒之戎陸渾蠻氏侵宋

蠻氏戎別種也河南新城縣東南有蠻城

以其辭

會也

前年宋辭

襄公四年無終子嘉父使孟樂如晉

無終山戎國名

孟樂其使臣因魏莊子納虎豹之皮以請和諸戎

莊子

魏絳曰戎狄無親而貪不如伐之魏絳曰諸侯新服

陳新來和將觀於我我德則睦否則攜貳勞師於戎而

楚伐陳必不能救是棄陳也諸華必叛戎禽獸也獲戎

失華無乃不可乎和戎有五利焉戎狄荐居貴貨易土

土可賈焉一也邊鄙不聳民狎其野穡人成功二也戎

狄事晉四鄰震動諸侯威懷三也以德綏戎師徒不勤

甲兵不頓

頓壞也

四也鑒於后羿而用德度遠至邇安五

也君其圖之公說使魏絳盟諸戎修民事田以時五

年王使王叔陳生愬戎於晉

戎陵疏周室故告愬於盟主

晉人執之

士魴如京師言王叔之貳於戎也

王叔反有貳心於戎失奉使之義故晉執

之

十四年晉及諸侯會於向將執戎子駒支范宣子

親數諸朝

行之所在亦設朝位

曰來姜戎氏昔秦人迫逐乃祖吾

離於瓜州

四嶽之後晉姓姜又別為允姓瓜州地在今燉煌

乃祖吾離被

苦蓋蒙荆棘以來歸我先君

蓋苦之別名蒙冒也

我先君惠公有

不腆之田

腆厚也

與女剖分而食之

中分為剖

今諸侯之事我

寡君不如昔者蓋言語漏洩則職女之由

職主也

詰朝之

事爾無與焉

詰朝明旦不使復得與會事也

與將執女對曰昔秦人負

恃其衆貪於土地逐我諸戎惠公蠲其大德

蠲明也

謂我

諸戎是四嶽之裔胄也

四嶽堯時方伯姜姓也裔遠也胄後也

毋是翦棄

翦削也

賜我南鄙之田狐狸所居豺狼所嗥我諸戎除翦

其荆棘驅其狐狸豺狼以為先君不侵不叛之臣至於

今不貳

不外叛不內侵亦

昔文公與秦伐鄭秦人竊與鄭盟而

舍戍焉

在僖三十年

於是乎有殽之師

在僖三十三年

晉禦其上戎

亢其下

亢猶當也

秦師不復我諸戎實然譬如捕鹿晉人角

之諸戎犄之

犄其足也犄居綺反

與晉踣之

踣僵也踣蒲北反又數豆反

戎何

以不免自是以來晉之百役與我諸戎相繼於時

言給

不曠

以從執政猶殽志也

意常如殽無中二也

豈敢離邊今官之

師旅無乃實有所闕以攜諸侯而罪我諸戎我諸戎飲
食衣服不與華同贄幣不通言語不達何惡之能為不

與於會亦無晉焉

晉閻也

賦青蠅而退

青蠅詩小雅取其愷悌君子無信讒

言

宣子辭焉使即事於會成愷悌也

成愷悌不信讒也

不肯特達

昭公九年周甘人與晉閻嘉爭閻田

甘人甘大夫襄也閻

嘉晉閻縣大夫

晉梁丙張趯率陰戎伐潁

陰戎陸渾之戎潁周邑

王使詹

桓伯辭於晉

辭貢諫之桓伯周大夫

曰我自夏以后稷魏駘芮岐

畢吾西土也

在夏世以后稷功受此五國為西土之長駘在始平武功縣所治釐城岐在扶風美

陽縣西北

及武王克商蒲姑商奄吾東土也

樂安博昌縣北有蒲姑城

巴

濮楚鄧吾南土也肅慎燕亳吾北土也

肅慎北夷在玄菟北計三千餘

里

吾何邇封之有

邇近也

文武成康之建母弟以蕃屏周

亦其廢墜是為

為後世廢墜兄弟之國當救濟之

豈如弁髦而因以敝

之

童子垂髮始冠必三加冠成禮而棄其始冠故言弁髮因以敝之

先王居櫛於四

裔以禦魑魅

言櫛杷畧舉四凶之一下言四裔則三苗在其中

故允姓之姦居

於瓜州

允姓陰戎之祖與三苗俱放三危者瓜州今燉煌

伯父惠公歸自秦而

誘以來

僖十五年晉惠公自秦歸二十二年秦晉遷陸渾之戎於伊川

使偪我諸姬入

我郊甸則戎焉取之

邑外為郊郊外為甸言戎取周郊甸之地

戎有中國誰

之咎也

晉咎在

后稷封殖天下今戎制之不亦難乎

后稷修封

疆殖五穀今戎得之唯以畜牧

伯父圖之我在伯父猶衣服之有冠冕

木水之有本源民人之有謀主也

民人謀主宗族之師長

伯父若

裂冠毀冕拔本塞源專棄謀主雖戎狄其何有余一人

伯父猶然則雖戎狄無所可責晉率陰戎伐周邑故云然

叔向謂宣子曰文之伯也

豈能改物

晉文公雖霸未能改正朔易服色

翼戴天子而加之以共

翼佐

也

自文以來世有衰德而暴滅宗周

宗周天子

以宣示其侈

諸侯之貳不亦宜乎且王辭直子其圖之宣子說王有

姻喪

外親之喪

使趙成如周弔且致閭田與祿

祿送死衣

反穎俘

王亦使賓滑執甘大夫襄以說於晉晉人禮而歸之

賓滑

周大夫

十六年楚子聞蠻氏之亂也與蠻子之無質也

質信也

使然丹誘戎蠻子嘉殺之遂取蠻氏既而復立其

子禮也

河南新城縣東南有蠻城

十七年晉侯使屠蒯如周請有

事於雒與三塗

屠蒯晉之膳宰以忠諫見進雒水也三塗山名在陸渾南

萇弘謂

劉子曰客容猛非祭也其伐戎乎陸渾氏甚睦於楚必

是故也君其備之乃警戒備

警戒以備戎欲因晉合勢

九月丁卯晉

荀吳帥師涉自棘津使祭史先用牲於雒陸渾人弗知

師從之庚午遂滅陸渾數之以其貳於楚也陸渾子奔

楚其衆奔甘鹿

甘鹿周地

周大獲

先警戒備故獲

范宣子夢文公攜

荀吳而授之陸渾故使穆子帥師獻俘於文宮哀公

四年夏楚人既克夷虎

夷虎蠻夷叛楚者

乃謀北方左司馬販

申公壽餘葉公諸梁致蔡於負函

三子楚大夫也此蔡之故地人民楚因以

為邑致之者會其衆也

致方城之外於繒關

負函繒關皆楚地

曰吳將泝

江入郢

逆流曰泝

將奔命焉為一昔之期襲梁及霍

偽辭當備吳夜

結期明日便襲梁霍使不知之梁河南梁縣

西南故城也梁南有霍陽山皆蠻子之邑也

單浮餘圍

蠻氏蠻氏潰

浮餘楚大夫也單音善

蠻子赤奔晉陰地

陰地河南山北自上

雒以東

司馬起豐析與狄戎

楚司馬貶也析縣屬南鄉郡析南有豐鄉皆楚邑發

至陸渾

此二邑人及戎狄

以臨工雒左師軍於菟和

菟和山在工雒東也菟音徒

右

師軍於倉野

倉野在工雒縣

使謂陰地之命大夫士蔑

命大夫別縣監

尹

曰晉楚有盟好惡同之若將不廢寡君之願也不然

將通於少習以聽命

少習商縣武關也將大開武關道以伐晉

士蔑請於趙

孟趙孟曰晉國未寧安能惡於楚必速與之

未寧有范中行之難

士蔑乃致九州之戎

九州戎在陰北陸渾者

將裂田以與蠻子而

城之

以詐蠻子

且將為之卜

卜城

蠻子聽卜遂執之與其五大

夫以畀楚師於三戶

今丹水縣北三戶亭

司馬致邑立宗焉以誘

其遺民

楚復詐為蠻子作邑立其宗主

而盡俘以歸

狄

莊公三十二年狄伐邢 閔公元年狄人伐邢管敬仲

言於齊侯曰戎狄豺狼不可厭也諸夏親暱不可棄也

宴安酖毒不可懷也詩云豈不懷歸畏此簡書同惡相

恤之謂也請救邢以從簡書齊人救邢 二年冬狄人

伐衛衛及狄戰於滎澤衛師敗績遂滅衛 此滎澤當在河北 狄

人囚史華龍滑與禮孔以逐衛人二人曰我太史也實

掌其祭不先國不可得也 夷狄畏鬼故恐言當先白神 乃先之至則

告守者曰不可待也 守者石祁子甯莊子公與之決與天令守而自禦狄戰敗君死而眾

散

夜與國人出狄入衛遂從之又敗諸河

衛將東走渡河狄復逐而

之敗

宋桓公逆諸河

迎衛敗衆

宵濟

夜渡畏狄

衛之遺民男女七百

有三十人益之以共滕之民為五千人

共滕衛別邑

立戴公

以廬於曹

曹衛下邑戴公名申其年卒文公燬立

齊師戍曹

晉侯使太

子申生伐東山臯落氏

赤狄別種也臯落其氏族

僖公元年春諸

侯救邢邢潰出奔師師遂逐狄人具邢器用而遷之師

無私焉

八年晉里克帥師梁由靡御號射為右以敗

狄於采桑

傳言前年事也平陽北屈縣西南有采桑津

梁由靡曰狄無恥從

之必大克

不恥走
故可逐

里克曰懼之而已無速衆狄

恐怨深
而羣黨

報來號射曰期年狄必至示之弱矣夏狄伐晉報采桑之

役也復期月

明期年
之言驗

十年狄滅溫蘇子無信也蘇子

叛王即狄又不能於狄狄人伐之王不救故滅蘇子奔

衛 十三年狄侵衛 十六年狄侵晉取狐厨受鐸涉

汾及昆都因晉敗也

狐厨受鐸昆都晉三邑平陽臨汾
縣西北有狐谷亭汾水出太原南

入河時秦
敗晉於韓

十八年邢人狄人伐衛圍菟圃 二十一

年狄侵衛

為邢
故

二十四年鄭伐滑王使伯服游孫伯

如鄭請滑鄭伯怨王不聽命而執二子王怒將以狄伐鄭富辰諫不聽使顏叔桃子出狄師夏狄伐鄭取櫟王德狄人將以其女為后富辰諫曰不可臣聞之曰報者倦矣施者未厭狄固貪惛王又啟之女德無極婦怨無終狄必為患王弗聽初甘昭公有寵於惠后惠后將立之未及而卒昭公奔齊王復之又通於隗氏王替隗氏顏叔桃子曰我實使狄狄其怨我遂奉太叔以狄師攻王王御士將禦之王曰先后其謂我何寧使諸侯圖之

王遂出及坎欲國人納之 秋顏叔桃子奉太叔以狄

師伐周大敗周師王出適鄭處於汜太叔以隗氏居於

溫 二十五年晉侯納王殺太叔 二十八年晉侯作

三行以禦狄荀林父將中行屠擊將右行先蔑將左行

晉置上中下三軍今復增置 三十年晉人侵鄭狄間
三行以避天子六軍之名

晉之有鄭虞也夏狄侵齊 三十一年晉蒐於清源作

五軍以禦狄 二十八年作三行今
罷之更為上下新軍 冬狄圍衛衛遷於

帝丘 三十二年夏狄有亂衛人侵狄狄請平焉秋衛

人及狄盟 三十三年狄侵齊因晉喪也

晉文公薨

狄伐

晉及箕晉侯敗狄於箕卻缺獲白狄子

白狄狄別種也故西河郡有白

部胡

先軫死於狄師

文公七年狄侵魯西鄙公使告於

晉趙宣子使因賈季問酆舒且讓之

酆舒狄相讓其伐魯時賈季奔狄故

就使讓之

九年狄侵齊

十年狄侵宋

十三年狄侵衛

宣公三年赤狄侵齊

四年赤狄侵齊

六年秋赤

狄伐晉圍懷及邢丘

邢丘今河內平皋縣

晉侯欲伐之中行桓子

曰使疾其民

為民所疾

以盈其貫將可殪也周書曰殪戎殷

此之謂也 七年赤狄侵晉取向陰之禾 八年白狄

及晉平會晉伐秦 十一年晉卻成子求成於衆狄衆

狄疾赤狄之役遂服於晉

赤狄潞氏最強故服役衆狄

秋會於欒

函衆狄服也是行也諸大夫欲召狄卻成子曰吾聞之

非德莫如勤非勤何以求於人能勤有繼其從之也

則勤

功繼之

詩曰文王既勤止文王猶勤况寡德乎 十三年

赤狄伐晉及清先穀召之也

邲戰不得志故召狄欲為變

晉人討先

穀殺之 十五年潞子嬰兒之夫人晉景公之姊也鄆

舒為政而殺之又傷潞子之目

鄆舒潞相

晉侯將伐之諸大

夫皆曰不可鄆舒有三雋才

雋絕異也言有才藝絕人者三

不如待後

之人伯宗曰必伐之狄有五罪雋才雖多何補焉不祀

一也嗜酒二也棄仲章而奪黎氏地三也

仲章潞賢人也黎氏黎侯

之國上黨壺關縣有黎亭

虐我伯姬四也傷其君目五也怙其雋才

而不以茂德茲益罪也後之人或者欲敬奉德義以事

神人而申固其命若之何待之不討有罪曰將待後後

有辭而討焉毋乃不可乎夫恃才與衆亡之道也商紂

由之故滅

由用也

天反時為災

寒暑易節

地反物為妖

羣物失性

民

反德為亂亂則妖災生故文反正為乏盡在狄矣晉侯

從之六月癸卯晉荀林父敗赤狄於曲梁辛亥滅潞

曲梁

今廣平曲梁縣也書癸卯從赴

鄆舒奔衛衛人歸諸晉晉人殺之公羊

傳潞何以稱子潞子之為善也躬足以亡爾雖然君子

不可不記也離於夷狄

疾夷狄之俗而去離之故稱子

而未能合乎中

國

未能與中國合同禮義相親比也故猶繫赤狄

立黎侯而還

狄奪其地故晉復立之

晉

侯賞桓子狄臣千室

千室

亦賞士伯以瓜衍之縣曰吾獲

狄土子之功也微子吾喪伯氏矣

郊之敗晉侯將殺桓
子士伯請而逸之

使趙同獻狄俘於周 十六年晉士會帥師滅赤狄甲

氏及留吁鐸辰

甲氏留吁赤狄別種晉既
滅潞氏今又盡并其餘黨

獻狄俘於王

成公三年晉郤克衛孫良夫伐廆咎如討赤狄之餘

焉

晉滅赤狄潞氏其
餘黨散入廆咎如

廆咎如潰上失民也 九年秦人

白狄伐晉諸侯貳故也 十二年狄人間宋之盟以侵

晉而不設備秋晉人敗狄於交剛 襄公十八年白狄

始來

白狄狄之別名未嘗與魯接故
曰始來不能行朝禮故不曰朝

二十八年白狄

朝於晉 昭公元年晉中行穆子敗無終及羣狄於太

原即大鹵也 崇卒也崇聚也 將戰魏舒曰彼徒我車所遇

又阨地險不便車 以什共車必克更增十人以當一車之用 困諸阨又克

車每困於阨道今去車故為必克 請皆卒去車為步卒 自我始乃毀車以為

行五乘為三伍乘車者車三人五乘十五人今改去車更以五人為伍分為三伍 荀吳

之嬖人不肯即卒斬以徇魏舒輒斬之荀吳不恨所以能立功 為五陳以

相離兩於前伍於後專為右角參為左角偏為前拒臨晉

時處置之名 以誘之翟人笑之笑其天常 未陳而薄之大敗之

十二年晉荀吳偽會齊侯者假道於鮮虞遂入昔陽

鮮虞

白狄別種在中山新市縣昔陽肥國都樂平沾縣東有昔陽城秋八月壬午滅肥以肥

子綿臯歸

肥白狄也綿臯其君名鉅鹿下曲陽縣西有肥累城

晉伐鮮虞因肥之

役也 十三年鮮虞人聞晉師之悉起也

平丘盟甲車四千乘

而

不警邊且不修備晉荀吳自著雍以上軍侵鮮虞及中

人驅衝競

中山望都縣西北有中

大獲而歸 十五年

晉荀吳帥師伐鮮虞圍鼓

鼓白狄之別鉅鹿下曲陽有鼓聚

鼓人或請

以城叛穆子弗許左右曰師徒不勤而可以獲城何故

不為穆子曰吾聞諸叔向曰好惡不愆民知所適事無
不濟或以吾城叛吾所甚惡也人以城來吾獨何好焉
賞所甚惡若所好何

無以復加所好

若其弗賞是失信也何以

庇民力能則進否則退量力而行吾不可以欲城而邇
姦所喪滋多使鼓人殺叛人而繕守備圍鼓三月鼓人
或請降使其民見曰猶有食色姑修而城軍吏曰獲城
而弗取勤民而頓兵何以事君穆子曰吾以事君也獲
一邑而教民怠將焉用邑邑以賈怠不如完舊

賈音古

賈

怠無卒

卒終也

棄舊不祥鼓人能事其君我亦能事吾君

率義不爽好惡不愆城可獲而民知義所

知義所在也苟吳必其能

獲故因以示義

有死命而無二心不亦可乎鼓人告食竭力盡

而後取之克鼓而反不戮一人以鼓子戴鞮歸二十

二年晉之取鼓也既獻而反鼓子焉又叛於鮮虞

叛晉屬鮮

虞

六月荀吳畧東陽

畧行也東陽晉之山東邑也

使師偽糴者負甲

以息於昔陽之門外

昔陽故肥子所都

遂襲鼓滅之以鼓子戴

鞮歸使涉佗守之

守鼓之地佗晉大夫

中行伯既克鼓以鼓子宛

支來

宛支鼓子戴鞮也穆子既克鼓以戴鞮歸既而反之其後又叛魯昭二十二年荀吳襲鼓滅之以

戴鞮歸使

令鼓人各復其所非僚勿從

僚官也

鼓子之臣

涉佗守之

曰夙沙釐以其孥行

釐將妻子從鼓子也

軍使執之辭曰我君是

事非事土也名曰君臣豈曰土臣今君實遷

徙也

臣何賴

於鼓

賴利也

穆子名之曰鼓有君矣

君謂涉佗

爾止事君吾定

而祿爵

而女也定安也

對曰臣委質於狄之鼓未委質於晉之

鼓也

質贊也士贊以唯委贊而退

臣聞之委質為臣無有二心委質

而策死古之法也

言委贊於君書名於策示必死也

君有烈名臣無叛

質敢即私利以煩司寇而亂舊法其若不虞何

即就也
虞度也

若就私利是謂叛君叛君有罪故煩司寇舊法策死之法若臣皆如是將有不意度而至之患者晉其如之何也

穆子歎而謂其左右曰吾何德之務而有是臣也

吾當

修務何德而得

乃使行既獻

既獻功也

言於公

言釐之賢於公公昭公之

若此之臣也

與鼓子田於河陰

河陰晉河南之田使君而田也

使夙沙釐相之

子去疾也

定公三年鮮虞入晉師於平中

平中晉地

獲晉觀虎恃其

勇也五年晉士鞅圍鮮虞報觀虎之役也哀公六

年晉趙鞅伐鮮虞治范氏之亂也

四年鮮虞納荀寅於柏人

項氏曰大抵桓文皆畏狄而不問者齊桓之世狄

伐邢齊以微者救之而不能却狄入衛齊強鄭使

赴之而棄其師城夷儀而遷邢城楚丘而遷衛皆

以避狄也桓公召陵服楚首止定王室五年間狄

為少止八年

僖

狄始伐晉以威齊也十年狄滅溫

溫王畿也溫子奔衛狄侵衛以討之其後宋伐齊

而狄反救之矣晉文之世其初

僖二十四年

狄伐鄭遂

天王也其後也

晉文公

狄侵齊以嘗晉也狄圍衛衛

遷於帝丘狄再逐衛也衛侵狄而與狄盟晉不能
討故衛自報之而自與之平也亦見晉伯之不終
矣自是文公且卒狄再侵齊而公亦終身不討狄
矣晉文既縱狄又復導秦故晉之子孫世有秦狄
之禍其後狄常與中國爭衡而秦遂伐周亦秦將
興而天遣楚以牽制齊晉於南方而不暇北顧與
按戎之種類不一其在西方者曰犬戎最強盛攻
殺幽王於驪山下取周之地居涇渭之間周於是

東遷以其地畀秦秦攻戎却之而取周之故地入

春秋時號公敗犬戎於渭汭則其遺種之在中國

者也其在北方者曰山戎亦曰北戎侵鄭侵齊病

燕者是也其在南方者曰徐戎居淮泗之間公會

戎於潛追戎於濟西者是也其在伊雒之間者曰

姜戎亦曰陸渾之戎本三苗之裔出自太岳世居

瓜州

煨煌

僖公二十二年秦晉遷其族於伊川自是

世服屬於晉戎子支駒之屬是也其姓氏史所不

載惟姜戎姜姓驪戎姬姓犬戎亦姬姓小戎子姓
僅可考而他則未詳狄之種亦不一有赤狄有白
狄曰皐落氏曰潞曰甲氏留吁皆赤狄之類也曰
鼓曰鮮虞曰肥皆白狄之類也其姓曰隗氏而潞
為潞氏餘未之詳然戎狄與春秋相為始終而齊
晉之伯也亦必先能制戎狄而後可以為盟主齊
桓之時戎病周病燕狄伐邢伐衛俱為齊所攘却
不得以逞夫子所以有微管仲之言也至晉都冀

北則立國於戎狄之間祝鮒所謂疆以戎索籍談所謂晉居深山戎狄之與鄰故其所以待戎狄者尤不容以無策自獻惠文襄以來其規模之大槩可見戎易服故懷之以德如遷姜戎分以南鄙之田世修其職及命魏絳和諸戎是也狄難服故威之以刑如作三行作新軍皆以禦狄後來至於滅潞滅鼓滅肥范宣子言吾先君之亟戰也有故秦狄齊楚皆強不盡力子孫將弱以狄儕之秦齊楚

其強可知古稱西戎北狄今考春秋之時戎散居於四方惟狄獨倔強於北散居故其勢易弱聚在一方并力倔強故其慄悍飄忽之勢雖誅鋤之未易帖服兩漢以來匈奴常盛於羌戎蓋有由來矣

文獻通考卷二百六十四

欽定四庫全書

總校官庶吉士臣張能照

校對官修撰臣張書勲

謄錄監生臣陳

增

欽定四庫全書薈要

史部

文獻通考卷二百六十五

詳校官員外郎臣潘紹觀



欽定四庫全書薈要卷九千五百八十六

史部

文獻通考卷二百六十五

鄱陽馬端臨貴與著

封建考六

秦楚之際諸侯王

秦制侯以下二十等爵罷封建

秦制爵二十等以賞功二十徹侯

徹侯金印紫綬功大者食縣小者食鄉亭

得臣其所食吏民後避漢武帝諱乃改曰通侯或曰列侯

十九關內侯

雖有侯號而居京畿無國

邑時六國未平將帥皆家關中故以為號劉昭曰關內侯無土寄食在所縣民租多少各有戶數為限如淳釋曰列侯出關就國但爵其身有家累者與之關內之邑食其租稅又有倫侯建成侯趙亥武信侯馮無擇是也

但有封名十八大庶長

劉昭曰自左庶長以上至大庶長者將軍也所將庶人更卒故

以為大庶長即大將軍也左右庶長即左右偏裨也

十七驛車庶長

言乘駟馬之車而為衆庶

之十六大上造

言皆主上造之士

十五少上造十四右更

言主預更

率部其役事

十三中更十二左更十一右庶長

言為衆列之長

十左

庶長九五大夫

大夫之尊者也劉昭曰自公士至五大夫皆軍吏也

八公乘

言得乘公

家之車也劉昭曰自吏民爵不得過公乘則公乘者得貫與子若同產然則公乘者軍吏之爵最尊者七

公大夫

與下同

六官大夫

加官者示稍尊也亦謂之國大夫

五大夫

列位從大

夫四不更

言不預更卒之事

三簪褭

以組帶馬曰褭簪褭者主飾此馬

二上造

造成也言有成命於上

一公士

言有爵命異於士卒劉昭曰步卒之有爵為士者也戰國之際秦項

之間權設班寵有加賜邑君者蓋假其位號或空受其爵耳則田嬰為靖郭君白起為武安君魏冉弟為華陽君秦昭王弟為涇陽君及高陵君蔡澤為剛成君其後項梁為武信君陳餘為成安君李左車為廣武君之類是也至漢尚多蓋封爵之外別加美號也

秦爵二十等起於孝公之時商鞅立此法以賞戰功

按古之所謂爵者皆與之以土地如公侯伯子男

以至附庸及孤卿大夫亦俱有世食祿邑若秦法則惟徹侯有地關內侯則虛名而已庶長以下不論也始皇遣王翦擊楚翦請美田宅甚衆曰為大王將有功終不得封侯然則秦雖有徹侯之爵而受封者蓋少考之於史惟商鞅封商於魏冉封穰侯范雎封應侯呂不韋封文信侯嫪毐封長信侯及始皇既稱皇帝東游海上至瑯琊羣臣議頌功德惟列侯武成侯王離通武侯王賁倫侯索隱曰爵卑於

列侯無封邑者倫
類也亦列侯之類

建成侯趙亥倫侯昌武侯成倫

侯武信侯馮無擇如是者不數人而已然鞅冉不
韋毒皆身坐誅廢雖幸善終而亦未聞傳世王
離以下俱無聞焉蓋秦之法未嘗以土地予人不
待李斯建議而後始罷封建也

始皇二十六年王初并天下丞相王綰等言諸侯初破
燕齊荆地遠不為置王毋以填之請立諸子始皇下其
議羣臣羣臣皆以為便廷尉李斯議曰周文武所封子

弟同姓甚衆然後屬族疎遠相攻擊如仇讐周天子弗能禁止今海內賴陛下神靈一統皆為郡縣諸子功臣以公賦稅重賞賜之甚足易制天下無異意則安寧之術也置諸侯不便始皇曰天下共苦戰鬪不休以有侯王賴宗廟天下初定又復立國是樹兵也而求其寧息豈不難哉廷尉議是分天下為三十六郡郡置守尉監秦既并天下丞相綰請分王諸子廷尉斯請罷封建置郡縣始皇從之自是諸儒之論封建郡縣者

歷千百年而未有定說其論之最精者如陸士衡
曹元首則主綰者也李百藥柳宗元則主斯者也
二說互相排詆而其所發明者不過公與私而已
曹與陸之說曰唐虞三代公天下以封建諸侯故
享祚長秦私天下以為郡縣故傳代促柳則反之
曰秦公天下者也眉山蘇氏又從而助之曰封建
者爭之端亂之始篡殺之禍莫不由之李斯之論
當為萬世法而世之醇儒力詆之以為二氏以反

理之評詭道之辯而妄議聖人然則後之立論者
宜何從以封建為非邪是帝王之法所以禍天下
後世也以封建為是邪則柳蘇二子之論其剖析
利害指陳得失莫不切當不可廢也愚嘗因諸家
公私之論而折衷之曰封建郡縣皆所以分土治
人未容遽曰此公而彼私也然必有公天下之心
然後能行封建否則莫如郡縣無公天下之心而
欲行封建是授之以作亂之具也嗚呼封建之難

行久矣蓋其弊不特見於周秦之際而已見於三代之初何也昔者唐虞之世建國至衆也天子巡狩而諸侯述職然後敷納以言明試以功車服以庸書之所載如此而已不聞其爭土地以相侵伐干王畧以勤六師也舜之時蠻夷嘗猾夏矣而命皋陶以修五刑五流之法有苗嘗弗率矣雖命禹以徂征卒之以舞干羽而格則是亦不戰而屈之也夫蠻夷有苗皆要荒之外王政所不加者也而

士師足以治之不戰足以服之則當時四岳十二
牧所統之國其謹侯度以奉其上而不勤征討也
審矣又安得如柳氏所謂羣之分其爭必大大而
後有兵如蘇氏所謂爭之端而亂之始乎所以然
者何也則堯舜公天下之心有以服之也蓋堯在
位七十載詢於衆庶以帝位授之舜舜在位三十
有三載詢於衆庶以帝位授之禹而當時之衆建
諸侯也有德者爵之功加於民者爵之堯舜無容

心也居天下之上而與天下之賢且能者分治之
逮其倦勤則必求天下之有聖德者而禪之夫惟
天子不以天下自私而後諸侯不敢以其國自私
是以雖有土地之廣人民之衆甲兵之強其勢足
以為亂而莫不帖服於其下如臂指之相使以為
當然是則唐虞以公天下之心行封建而當時封
建所以無敵也蓋家天下自夏始大封同姓而命
之曰藩屏王室自周始二者皆聖人隨時制變以

綱維斯世未容以私議之也然上視堯舜則少褊
矣故封建之敝始於夏而成於周是以禹一傳而
啟有有扈氏之征再傳而仲康有羲和之征夫以
天子而征諸侯諸侯弗率而上干天子之征禹之
前無有也而始於有扈夫有扈之罪曰威侮五行
怠棄三正而已羲和之罪曰沈湎於酒畔官離次
而已二罪者以法議之則誅止其身而二人生於
漢世則一廷尉足以定其罪矣而啟與仲康必命

六師以征之者則必恃其土地甲兵不即引咎而悍然以抗其上矣書紀其事曰大戰曰徂征而觀其誓師之辭有不用命之戮焉有愛克厥威之戒焉殲渠魁釋脅從之令焉則兵師之間所傷衆矣夫治一人之罪而至於興師使無辜之人受用兵之禍則封建之敝也故曰已見於三代之初此之謂也夫有扈義和之罪雖王政所必討而比之猾夏則有間矣舜之時士師明刑足以正蠻夷猾夏

之罪而啟少康之時非天子總六師不足以治諸
侯怠慢沈湎之過則可以見當時諸侯擅其富強
非文告刑禁之所能詰也自是而後天子私其天
位而世守之諸侯亦私其國之土地甲兵而擅用
之幸而遇賢聖之君德足以懷而威足以制則猶
可攝服而其中衰之際人心未離而諸侯先叛之
至於周列五等邦羣后雖曰親賢並建而終不以
異姓先諸姬文昭武穆之封遍於天下封建之法

益詳經制益密而示人益褊矣是以夏商有國數
百年苟未至於桀紂之暴猶足以制宇內而朝諸
侯而周數傳而後即有未大不掉之憂故景王之
責晉曰文武成康之建母弟以藩屏王室亦其廢
隊是為豈如弁髦而因以敝之而李斯之說亦曰
周文武所封子弟同姓甚衆然後屬疏遠相攻擊
如仇讐周天子弗能禁也然則其效可覩矣蓋時
不唐虞君不堯舜終不可復行封建謂郡縣之法

出於秦而必欲易之者則書生不識變之論也夫
置千人於聚貨之區授之以挺與刃而欲其不為
奪攘矯虔則為之主者必有伯夷之廉伊尹之義
使之靡然潛消其不肖之心而後可苟非其人則
不若藏挺與刃嚴其檢制而使之不得以逞此後
世封建之所以不可行而郡縣所以為良法也而
王綰淳于生之徒乃欲以三代不能無敵之法使
始皇行之是教盜跖假其徒以利器而與之共處

也則亦不終日而刃剗四起矣或曰禹之傳子周之封同姓皆聖人之經制也而子顧妄議其私天下而以為劣於唐虞何哉曰世之不古久矣聖人不能違時不容復以上古之法治之也而世固不能知聖人之心也記曰有虞氏未施信於民而民信之夏后氏未施教於民而民敬之殷人作誓而民始畔周人作會而民始疑然則殷周豈果劣於虞夏乎而或畔或疑起於誓會者以時人之不皆

聖人也禮運載夫子言大道之行天下為公選賢與能講信修睦而繼之以謀閉而不興盜竊亂賊而不作以為大同大道既隱天下為家各親其親各子其子而繼之以謀用是作而兵由此起禹湯文武成王周公由此其選以為小康然則官天下與家天下者其規模之廣隘治效之優劣雖聖人不能比而同之矣萬章曰人有言至於禹而德衰不傳於賢而傳於子而孟子累數百言辯之以為

皆天也然則知禹之傳子非私者千載而下一孟子而已豈可復望之當時諸侯乎世本稱有扈氏以堯舜傳賢而禹傳啟故啟立而不服遂征之然則非愚之臆說也

或曰子謂唐虞以前諸侯無戰爭侵奪之事然則涿鹿阪泉非

歟既取其事列於封建之前則與此論自為抵牾矣曰黃帝紀乃太史公取傳記百家之言孔子定書斷自唐虞三皇之事若亡若存傳記所載姑採之以廣異聞耳至於立論當以六經所取為斷

秦楚之際起兵自立者凡六國

楚陳勝陽城人為閭左戌屯長屯大澤鄉二世元年

七月起兵於蘄據陳自立為王號張楚至二年十二月
兵敗其御莊賈殺陳王以降自起兵至亡凡六月秦以
十月為歲首二年十二月乃建亥之三月也 襄彊陳

涉既起兵令苻離人葛嬰徇地時楚兵數千人為聚者
不可勝數嬰至東城立彊為楚後聞陳王已立因殺襄

彊 景駒陳王初立時陳人秦嘉等皆特起將兵圍東

海今海州自為大司馬二世二年正月嘉聞陳王兵破出

走乃立景駒為楚王引兵之方與兖州縣三月項梁擊秦

嘉嘉軍敗死景駒走死梁地 義帝秦二世二年三月
范增說項梁立楚後梁求得楚懷王孫心於民間六月
立以為楚懷王都盱眙漢王九年正月項羽尊懷王為
義帝徙於江南都郴二年項羽密使九江衡山臨江王
擊義帝殺之江中自立至弑凡二年零四月

趙 武臣陳人為陳王將軍將兵徇趙下趙七十餘城
二世元年八月自立為趙王二年十一月其將李良龍衣邯鄲
殺趙王自立至亡凡五月 趙王歇李良既殺武臣張

耳陳餘收趙散兵擊良敗之二世二年春正月耳餘立
歇為趙王漢元年項羽徙歇為代王以張耳為常山王
分趙為二陳餘擊耳耳敗走歸漢迎趙王於代復為趙
王漢三年韓信張耳擊趙禽王歇自立至亡凡三年零
九月

燕 韓廣趙人為趙王武臣將兵徇燕二世元年九月
至薊自立為燕王漢王元年正月項羽分燕為二徙廣
為遼東王都無終以臧荼為燕王廣不肯徙臧荼殺廣

併其地自立至亡凡二年零十一月

齊 田儋故齊王族二世元年九月陳王令將周市徇

地至狄儋因殺狄令自立為齊王發兵擊周市市還二

年六月章邯擊魏儋救魏邯大破齊魏軍殺儋田榮收

儋餘兵走東阿齊人立故齊王建弟假為王榮逐假立

儋子市為王漢王元年正月項羽分齊為三徙市為膠

東王都即墨六月田榮殺市而自立并取三齊之地二

年項王北擊齊齊王榮戰敗死項王復立田假為齊王

榮弟橫立榮子廣為王攻田假假走死橫復定三齊之地四年韓信襲破齊虜王廣自僭至廣凡四傳共六年魏 甯陵君咎本魏公子在陳二世元年九月陳王將周市徇地至魏魏地已定乃迎咎於陳立為魏王二年六月章邯擊破魏咎自殺其弟豹亡走楚楚懷王與豹兵復徇魏地九月豹自立為王都平陽漢王元年正月項羽自取梁地徙豹為西魏王王河東二年八月韓信擊魏虜豹凡二傳四年

韓 橫陽君成本韓諸公子二世二年六月項梁已立
楚懷王張良說梁立韓後謂成最賢乃立為韓王西畧
韓地得數城漢王元年十月從項羽畧地入關二年羽
分韓為河南令韓王成因故都都陽翟羽以韓王成無
功故不遣之國與俱至彭城廢以為穰侯已又殺之自
立至亡凡三年

項王所立諸侯王凡十四國

楚 漢元年正月項羽分天下王諸將自立為西楚霸

王王梁楚地九郡都彭城五年十二月漢滅之自立至
滅凡四年

雍 秦將章邯降項羽羽立為雍王王咸陽以西都廢
丘漢二年二月漢王取雍地殺邯自立至亡凡一年零
五月

塞 秦長史司馬欣故為櫟陽獄掾嘗有德於項梁故
羽立為塞王王咸陽以東至河都櫟陽漢元年八月漢
王襲雍遣諸將畧地塞王欣降自立至亡凡七月

翟 秦都尉董翳本勸章邯降楚故羽立翳為翟王王
上郡都高奴漢元年八月漢王遣兵至咸陽翟王翳降
自立至亡凡七月

河南 瑕丘申陽者張耳嬖臣也先下河南郡迎楚河
上故羽分韓地立申陽為河南王都洛陽漢二年十月
河南王申陽降漢為河南郡自立至亡凡九月

殷 趙將司馬卬定河南數有功故羽立卬為殷王王
河內都朝歌二年春三月漢王自臨晉渡河取魏將兵

從下河內虜殷王卬置河內郡自立至亡凡十四月

常山 羽以趙相張耳素賢從入關故立耳為常山王

王趙地治襄國漢二年十月陳餘以趙兵與齊共襲常

山王張耳敗走歸漢自立至敗凡九月

後漢以耳為趙王

九江 當陽君黥布為楚將常冠軍故羽立布為九江

王都六漢三年十一月使謁者隨何說布叛楚間行歸

漢楚收九江兵殺布妻子自立至歸漢凡一年零十月

衡山 番君吳芮率百越佐諸侯又從入關故羽立芮

為衡山王都邾項籍死高祖以芮將梅銷有功從入武
關故德芮徙為長沙王都臨湘一年薨諡文王 成王
臣 哀王回 共王右 靖王差孝文後七年薨無子
國除凡五傳共五十年

臨江 義帝柱國共敖將兵擊南郡功多故羽立敖為
臨江王都江陵漢三年八月薨子尉嗣五年漢既定天
下尉不降遣盧綰劉賈擊虜尉凡再傳共五年

燕 燕將臧荼從楚救趙因從入關故羽立荼為燕王

都薊五年漢既誅項籍荼反使盧綰劉賈擊荼取燕自立至亡凡五年

齊 齊將田都從楚救趙因從入關故羽立都為齊王都臨菑五月田榮發兵距擊田都都亡走楚榮取齊地為王自立至亡凡五月

濟北 羽方渡河救趙田安下濟北數城引其兵降羽故立安為濟北王都博陽六月田榮遣彭越擊殺安并其地自立至亡凡六月

韓 項羽既殺韓王成以故吳令鄭昌為韓王時漢元年八月也二年十月漢以韓襄王孫信為韓太尉將兵畧韓地擊韓王昌於陽城昌降自立至亡凡三月

西漢異姓諸侯王

高帝所立異姓諸侯王凡八國

韓 二年漢既取韓王昌地十一月立韓襄王孫信為韓王常將韓兵從漢王五年與信剖符王潁川六年更以太原郡為韓國徙信以備胡信請治馬邑從之秋匈

奴入寇信以馬邑降匈奴七年上自擊破之信亡走匈奴自立至亡凡五年

趙 常山王張耳為陳餘所擊敗走歸漢四年十一月立耳為趙王五年薨諡景王子敖嗣九年坐貫高反降為宣平侯凡再傳六年

淮南 九江王英布叛楚歸漢楚收其兵取其地四年七月立布為淮南王都六十一年夏謀反兵敗滅自立至亡凡八年

齊韓信既取齊請為假王四年春二月立信為齊王
五年平項籍徙信為楚王都下邳六年人言信謀反執
之降為淮陰侯復坐誅自立至執凡二年
梁彭越為梁相國定梁地漢五年以睢陽以北至穀
城封越為梁王都定陶十一年人告越反廢為庶人後
誅之自立至亡凡六年

燕盧綰從擊項籍籍亡擊燕王臧荼破之五年九月
立綰為燕王十二年綰反亡入匈奴自立至亡凡七年

閩越 漢五年以閩越王無諸身帥閩中兵以佐滅秦
封為閩越王王閩中地傳郢 丑 餘善武帝元封元
年餘善反漢遣兵誅之取其地自受漢封至亡凡四傳
九十二年

南粵 漢十一年遣陸賈立南海尉趙佗為南粵王與
剖符通使使和輯百粵傳胡 嬰齊 興 建德武帝
元鼎六年粵相呂嘉以粵反漢遣兵擊滅之自受漢封
至亡凡五傳八十五年

呂后立異姓呂氏王及所名孝惠子王凡八國

呂周呂侯呂澤以客從高祖定三秦子台嗣為侯高
后元年以兄子呂台為呂王割齊濟南郡為呂王奉邑
二年薨子嘉嗣六年坐驕恣廢自立至廢再傳凡六年
梁高后稱制六年以呂台弟洸侯產為呂王七年徙
為梁王八年呂后崩作亂周勃等誅之自立至誅凡三
年

趙高后稱制七年以建城侯呂釋之子祿為趙王八

年呂后崩作亂周勃等誅之自立至誅凡二年

燕 高后稱制八年冬十月立呂肅王子東平侯通為

燕王其年九月呂后崩諸呂謀亂坐誅

淮陽 高后稱制元年立所名孝惠子強為淮陽王

如淳

曰外戚恩澤侯表言五年強薨謚曰懷以壺關侯武為

強等皆呂氏之子也

淮陽王八年高后崩大臣誅諸呂立文帝武坐非孝惠子誅自立至誅凡再傳八年

恒山 高后稱制元年立所名孝惠子不疑為恒山王

二年不疑薨謚曰哀更立襄城侯山為恒山王更名義

四年以恒山王為帝更名弘以軹侯朝為恒山王

武弘朝亦

所立名孝惠子先封侯

八年高后崩文帝立坐非孝惠子誅自立

至誅凡三傳八年

濟川

高后稱制七年七月立所名孝惠子平昌侯太

為濟川王八年九月文帝即位坐非孝惠子誅

按呂后勦除高皇側室之子三趙王皆不得其死

齊代僅免而獨以其外孫張后之故取他人子名

為孝惠子嗣帝位者二人封王者五人何其多也
然少帝稍長則銜殺母之寃坐廢以死強不疑亦
皆夭折弘朝武太皆見誅於事久論定之後所謂
非所據而據焉不有天刑必有人禍竟何益哉

魯 高后稱制元年封魯元公主子張偃為魯王八年
誅諸呂坐廢為侯自立至廢凡八年

漢初諸侯王其顛末見於太史公秦楚之際月表
及班孟堅異姓諸侯王表然有自立者陳涉武臣

之徒是也有為項王所立者三秦常山九江之類
是也有高帝所立者韓彭之徒是也有呂后所立
者祿產及所名孝惠子是也楚一也而有陳涉焉
有襄疆景駒焉有懷王焉有項羽焉有韓信焉蓋
八年之間楚凡五易姓也趙一也而有武臣焉有
趙歇焉有張耳焉有呂祿焉蓋二十九年之間趙
凡四易姓也燕一也而有韓廣焉有臧荼焉有盧
綰焉有呂通焉蓋三十年之間燕凡四易姓也韓

一也而有韓成焉有鄭昌焉有韓信焉蓋四年之間韓凡三易姓也馬班二表只以各國譜其年世而於其受封之異易姓之殊稍欠分別故今叙秦楚之際自立者六國項王所立者十四國高帝所立者八國呂后所立者八國而於五楚四燕四趙三韓叙其受封之本而各稽其興廢之歲月焉又有亡而復封者如張耳項羽初封為常山王後失國漢再封為趙王英布項羽初封為九江王後失

國漢再封為淮南王蓋人同而國異凡再受封故亦分而二之至吳芮之自衡山王為長沙王韓信之自齊王為楚王則元未嘗失國再封不過遷徙故不復再著云

西漢同姓皇子諸侯王

高祖昆弟子孫為王者凡二十國

楚元王交高祖同父少弟從帝起兵入武關六年既廢楚王信分其地為二國封交為楚王王薛郡東海彭

城三十六縣立二十三年薨夷王郢客嗣四年薨子王

戊嗣立二十一年謀反兵敗自殺景帝立宗正平陸侯

禮

元王寵子

奉元王後是為文王三年薨子安王道嗣二十

二年薨子襄王注嗣十四年薨子節王純嗣十六年薨

子延壽嗣立三十二年有罪自殺國除楚凡八傳一百

三十五年

代 高祖兄仲六年以雲中鴈門代郡五十三縣封為

代王七年為匈奴所攻棄國自歸廢為鄆陽侯子湍黥

布反時以沛侯為騎將從破布軍乃立潁為吳王王東陽章郡吳郡三郡五十三城景帝三年謀反兵敗死國除代二年吳四十二年

齊悼惠王肥高祖微時外婦之子六年以七十城封肥為齊王立十三年薨子哀王襄嗣立十一年薨子文王則嗣立十四年薨無子文帝憐悼惠王子列侯見在者六人分齊為六國盡立前所封悼惠王子列侯見在者六人為王楊虛侯將閭為齊王立十一年吳楚反坐陰通謀

自殺謚孝王景帝愍其無罪復封其太子壽是為懿王
二十三年薨子厲王次昌立四年為主父偃所搆自殺
無子國除齊凡六傳七十六年

城陽 景王章悼惠王子也以朱虛侯入宿衛孝文二
年以誅諸呂功割齊一郡封章為城陽王二年薨子共
王喜立三十三年薨子頃王延立二十六年薨子敬王
義嗣九年薨子惠王武立十一年薨子荒王順立四十
六年薨子戴王恢嗣八年薨子孝王景嗣二十四年薨

子哀王雲嗣一年薨無子國絕成帝復封雲兄俚為城陽王王莽時絕城陽凡十傳一百八十六年

濟北 東牟侯興居齊悼惠王子高后時入宿衛與大

臣迎立文帝二年割齊一郡封興居為濟北王三年謀反兵敗自殺上憫濟北王逆亂自滅十五年分齊為六國盡封悼惠王諸子復以安都侯志為濟北王

亦悼惠王子

復徙王菑川地比齊志立三十六年薨諡懿王子靖王建嗣二十年薨子頃王遺嗣三十五年薨子思王終古

嗣二十八年薨子考王尚嗣五年薨子孝王橫嗣三十一年薨子懷王交嗣六年薨子永嗣王莽時絕濟北興居一年懿王志以下八傳一百七十四年

濟南 勃侯辟光齊悼惠王子孝文十五年分王濟南孝景三年同吳楚反坐誅國除凡十一年

菑川 武城侯賢齊悼惠王子孝文十五年分王菑川孝景三年同吳楚反坐誅國除凡十一年

膠東 白石侯雄渠齊悼惠王子孝文十五年分王膠東

東孝景三年同吳楚反坐誅國除凡十一年

膠西 平昌侯卬齊悼惠王子孝文十五年分王膠西
孝景三年同吳楚反坐誅國除凡十一年

班固贊曰悼惠之王齊最為大國以海內初定子
弟少懲秦孤立無藩輔故大封同姓以鎮天下時
諸侯得自除御史大夫羣卿以下衆官如漢朝漢
獨為置丞相自吳楚誅後稍奪諸侯權左官附益

阿黨之法設

張晏曰諸侯有罪傳相不舉奏為阿黨師古曰皆新制律令之條也左官

解在諸侯王表附益
言欲增益諸侯王也

其後諸侯唯得衣食租稅貧

者或乘牛車

文帝六年梁太傅賈誼上疏曰夫樹國固必相疑之勢
下數被其殃上數爽其憂甚非所以安上而全下也
今或親弟謀為東帝親兄之子西鄉而擊今吳又見
告矣天子春秋鼎盛行義未過德澤有加焉猶尚如
是况莫大諸侯權力且十此者乎然而天下少安何
也大國之王幼弱未壯漢之所置傅相方握其事數

年之後諸侯之王大抵皆冠血氣方剛漢之傳相稱
病而賜罷彼自丞尉以上徧置私人如此有異淮南
濟北之為耶此時而欲為治安雖堯舜不治黃帝曰
日中必萋操刀必割今令此道順而全安甚易不肯
早為已乃墮骨肉之屬而抗到之豈有異秦之季世
乎其異姓負強而動者漢已幸而勝之矣又不易其
所以然同姓襲是跡而動既有徵矣其勢盡又復然
殃既之變未知所移明帝處之尚不能以安後世將

如之何臣竊跡前事大抵强者先反長沙乃二萬五千戶耳功少而最完勢疏而最忠非獨性異人也亦形勢然也曩令樊鄴絳灌據數十城而王今雖以殘亡可也令信越之倫列為徹侯而居雖至今存可也然則天下之大計可知已欲諸王之皆忠附則莫若令如長沙王欲臣子勿蒞醢則莫若令如樊鄴等欲天下之治安莫若衆建諸侯而少其力力少則易使國小則亡邪心令海內之勢如身之使臂臂之使指

莫不制從諸侯之君不敢有異心輻湊並進而歸命
天子割地定制令齊趙楚各為若干國使悼惠王幽
王元王之子孫畢以次各受祖之分地地盡而止其
分地衆而子孫少者建以為國空而置之須其子孫
生者舉使君之一寸之地一人之衆天子無所利焉
誠以定治而已如此則卧赤子天下之上而安植遺
腹朝委裘而天下不亂當時大治後世頌聖陛下誰
憚而久不為此天下之勢方病大瘡一脛之大幾如

腰一指之大幾如股平居不可屈伸一二指搗身慮亡聊失今不治必為痼疾後雖有扁鵲不能為已病非徒瘡也又苦蹠盤元王之子帝之從弟也今之王者從弟之子也惠王之子親兄子也今之王者兄子之子也親者或無分地以安天下疏者或制大權以偏天子臣故曰非病瘡也又苦蹠盤可痛哭者此病是也

按孝文之時山東之國齊七十二城楚四十城吳

五十城鼂錯所謂封三庶孽分天下半是也三國

之中齊為尤大悼惠王復子多而材呂氏之亂哀
王襄欲舉兵西向則關中為之震恐且有自帝之
謀其弟朱虛東牟且將為內應幸諸呂已誅文帝
正位而其謀遂寢然則帝即位之後諸侯之勢疏
而逼地大而可忌者莫如齊吳楚而齊尤甚帝之
慮豈不及此故雖盡復呂后所奪齊地而即割其
二郡以王城陽濟北逮濟北以構逆誅文王絕世

則盡以齊地分王悼惠之六子即賈誼所謂各受其祖之分地地盡而止天子無所利焉者也及孝景之時吳楚為逆悼惠王之子孫所謂六王者皆預其謀然俱以國小兵弱故齊與濟北雖預密謀而終不敢發膠東膠西濟南菑川僅能出兵圍齊及漢兵出則各已潰散吳楚既無鉅援宜其速敗使齊地不早分以一壯王全據七十二城之甲兵與吳楚合從西向漢之憂未艾也孰謂誼言不見

用而文帝為無謀哉

荆將軍劉賈高祖從父弟為將有功六年以故東陽

郡鄆郡吳郡

東陽今下邳鄆丹陽吳郡會稽也

五十三縣立賈為荆王

十一年黥布反擊荆賈弗勝為布所殺無後國除荆凡六年

淮南厲王長高祖少子十一年淮南王布反上擊滅

之乃立長為淮南王文帝六年坐謀反廢死十二年上分淮南故地立厲王三子以阜陵王安為淮南王武帝

元狩元年坐謀反自殺國除為九江郡淮南凡再傳長
二十二年安四十二年共六十四年

衡山

後為濟北

安陽侯勃淮南厲王子文帝十二年分淮南

地以勃為衡山王孝景三年吳楚反以書招勃勃不應
景帝嘉之徙為濟北王立十四年薨諡貞王子式王胡
嗣五十四年薨子寬嗣十二年有罪自殺國除為泰山
郡北安縣衡山凡三傳共八十年

廬江

後為衡山

陽周侯賜淮南厲王子文帝十二年分淮南

地以賜為廬江王後徙為衡山王立三十三年坐謀反自殺

趙 隱王如意高帝子九年立凡四年為呂太后所殺亡後

共王恢高帝子十一年誅彭越立恢為梁王立凡十六年高后七年徙王趙其年自殺無後

幽王友高帝子十一年立為淮陽王趙隱王如意死孝惠元年徙王趙立十年幽死孝文即位立幽王子

遂為趙王立二十六年孝景時與吳楚謀反敗自殺
國除趙凡四王五十六年

河間 文帝二年以趙之河間郡立趙幽王次子辟疆
為河間王立十三年薨諡文王子哀王福嗣一年薨無
子國除河間再傳凡十四年

燕 靈王建高帝子十一年燕王盧綰亡入匈奴明年
立建為燕王立十五年薨呂后殺其子無後

瑯琊後為燕 營陵侯劉澤高祖從祖昆弟也以擊陳豨有

功高后七年封為瑯琊王文帝元年徙澤為燕王復以瑯琊歸齊二年薨諡敬王子康王嘉嗣九年薨子定國嗣位四十二年有罪自殺國除凡三傳五十三年

文帝子孫為王者凡七國

代後為梁孝王武景帝同母弟孝文二年立為代王十二

年徙為淮陽王十三年徙為梁王立三十五年薨景帝分梁為五國盡立孝王男五人為王太子買嗣十年薨子平王襄嗣立四十年薨子頃王無傷嗣十一年薨子

敬王定國嗣四十年薨子夷王遂嗣六年薨子荒王嘉
嗣十五年薨子立嗣二十七年元始中坐與平帝外家
衛氏交通王莽奏廢為庶人自殺國除梁凡八傳一百
八十四年

太原

後為代

孝王參文帝諸姬子二年封太原王四年徙

為代王并得太原都晉陽如故十七年薨子共王登立
二十九年薨子剛王義立元鼎中徙王於清河四十年
薨子頃王湯立二十四年薨子牟立三年坐淫亂廢為

庶人國除凡五傳一百一十三年 元始二年封孝王
玄孫之子如意為廣宗王立七年王莽時絕

梁 懷王揖文帝少子二年封梁王立十年入朝墮馬
死無子國除

文帝十一年賈誼上疏曰陛下即不定制如今之勢
不過一傳再傳諸侯猶且入恣而不制豪植而大強
漢法不得行矣陛下所以為藩捍及皇太子之所恃
者唯淮陽代二國耳代北邊匈奴與強敵為鄰能自

完則足矣而淮陽之比大諸侯僅如黑子之著面適
足以餌大國而不足以有禁禦方今制在陛下制國
而令子適足以為餌豈可謂工哉臣之愚計願舉淮
南地以益淮陽而為梁王竝後割淮陽北邊二三列
城與東郡以益梁不可者可徙代王而都睢陽梁起
於新鄭以北著之河淮陽包陳以南捷之江則大諸
侯之有異心者破膽而不敢謀梁足以捍齊趙淮陽
足以禁吳楚陛下高枕終無山東之憂矣此二世之

利也當今恬然適遇諸侯之皆少數歲之後陛下且見之矣夫秦日夜苦心勞力以除六國之禍今陛下力制天下頤指如意高拱以成六國之禍難以言智苟身無事畜亂速旤孰視而不定萬年之後傳之老母弱子將使不寧不可謂仁帝於是從誼計徙淮陽王武為梁王北界泰山西至高陽得大縣四十餘城先公曰誼之意甚勤而謀甚忠矣雖然此不過以親疏為強弱耳疏者難防親者可倚固也然今日

之疏本前日之親今日之親又他日之疏也不以德義相維而專以親戚相制豈得為萬世之良策乎親以寵偏則又如之何高皇帝立諸子一傳文帝而高帝諸子已足為文帝憂帝又專以大城名都畀其子孫將不復為後人憂乎

濟川 垣邑侯明梁孝王次子孝王薨景帝分梁立明為濟川王立七年有罪廢為庶人國除

濟東 彭離梁孝王子孝王薨分梁地王之立二十九

年有罪廢為庶人國除

山陽 哀王定亦梁孝王子孝王薨分梁地王之立九年薨無子國除

濟陰 哀王不識亦梁孝王子孝王薨分梁地王之立二年薨無子國除

景帝子孫為王者凡十七國

河間 獻王德景帝子二年封立二十六年薨子共王不害嗣四年薨子剛王堪嗣十二年薨子頃王授嗣十

七年薨子孝王慶嗣四十三年薨子元嗣十七年坐淫
亂殘賊廢國除成帝建始元年立元弟良為河間王二
十七年薨諡惠王子尚嗣王莽時絕凡八傳百六十年
臨江哀王閼景帝子二年封立三年薨無子國除
閼王榮景帝子前四年立為皇太子四歲廢為臨江
王坐侵廟墺地自殺無子國除

魯恭王餘景帝子前二年封為淮陽王吳楚反破後
徙王魯立二十八年薨子安王光嗣四十年薨子孝王

慶忌嗣三十七年薨子頃王勁嗣二十八年薨子文王
駿嗣十八年薨無子國除哀帝建平三年立頃王子駿
弟閔為魯王王莽時絕凡六傳一百六十四年

江都 易王非景帝子以前二年立為汝南國吳楚反
討平之徙王江都治故吳國二十七年薨子建嗣六年
坐淫亂殘酷不道自殺國除為廣陵郡

膠西 于王端景帝子以前三年封立四十七年薨無
子國除為膠西郡

趙敬肅王彭祖景帝子以前二年封廣川王趙王遂反破後徙王趙立六十三年薨子頃王昌嗣十九年薨子懷王尊嗣五年薨無子國絕二歲宣帝立尊弟高為哀王數月薨子共王充嗣五十六年薨子隱嗣十九年王莽時絕凡六傳一百六十二年

平干

今廣平

武帝以親親故立趙敬肅王小子偃為平干

王十一年薨是為頃王子繆王元嗣二十五年薨有司奏其罪國除凡再傳三十六年

中山靖王勝景帝子以前三年封立四十三年薨子
哀王昌嗣一年薨子康王昆侈嗣二十一年薨子頃王
輔嗣四年薨子憲王福嗣十七年薨子懷王循嗣十五
年薨無子絕四十五歲成帝鴻嘉二年復立憲王弟孫
利鄉侯子雲客為廣德夷王二年薨無子絕十四歲哀
帝復立雲客弟廣漢為廣平王四年薨無後平帝元始
元年立廣川惠王曾孫倫為廣德王奉靖王後立九年
王莽時絕凡九傳一百一十六年

長沙 定王發景帝子前三年封二十八年薨子戴王
庸嗣二十七年薨子頃王鮒嗣十七年薨子刺王建
德嗣三十四年薨子煬王旦嗣二年薨無子絕元帝初
元三年立旦弟宗是為孝王五年薨子魯人嗣四十八
年王莽時絕凡七傳一百六十一年

廣川 惠王越景帝子以中二年封十三年薨子繆王
齊嗣四十四年薨子去嗣立二十二年坐殘酷廢自殺
國除後四歲宣帝復立去兄文二年薨子海陽嗣十五

年坐罪廢國除平帝元始二年復立戴王弟子瘡為廣
德王奉惠王後二年薨子赤嗣七年王莽時絕凡七傳
一百零五年

膠東 康王寄景帝子中二年封立三十八年薨子哀
王賢嗣十五年薨子戴王通平嗣二十四年薨子頃王
音嗣五十四年薨子共王授嗣十四年薨子殷嗣二十
三年王莽時絕凡六傳一百五十八年

六安 膠東康王寄少子慶愛幸寄常欲立之寄薨上

憐之立慶為六安王王故衡山地

寄母王夫人即武帝母王太后之妹寄於

上最親

立三十八年薨子夷王祿嗣十年薨子繆王定嗣

二十二年薨子頃王光嗣二十七年薨子育嗣三十三年王莽時絕凡五傳一百三十年

清河哀王乘景帝子中三年封立十二年薨無子國除

常山憲王舜景帝子中五年立三十三年薨子勃嗣數月坐罪廢國除

真定 頃王平常山憲王之子憲王薨太子坐罪廢天

子以憲王最親

母亦王夫人

閔其滅國乃以三萬戶封平為

真定王立二十五年薨子烈王偃立十八年薨子孝王
由立二十二年薨子安王雍立二十六年薨子共王普
立十五年薨子陽立十六年王莽時絕凡六傳一百三
十三年

泗水 思王商亦常山憲王子與真定王同時封立十
二年薨子哀王安世立十年薨無子武帝立其弟賀是

為戴王立二十二年薨子勤王煖立三十九年薨子戾
王駿立三十一年薨子靖立十九年王莽時絕凡六傳
一百三十三年

武帝子孫王者凡六國

齊 懷王閔武帝子元狩六年封立八年薨無子國除
燕 刺王旦武帝子元狩六年封立三十七年坐謀反
自殺國除

廣陽 頃王建燕刺王旦太子旦反赦為庶人宣帝即

位乃封建為廣陽王立二十九年薨子穆王舜嗣二十一年薨子思王璜嗣二十年薨子嘉嗣十二年王莽時絕凡四傳八十二年

廣陵厲王胥武帝子元狩六年立六十四年坐詛祝上自殺國除後七年宣帝復立胥太子霸是為孝王十三年薨子共王意嗣三年薨子哀王護嗣十六年薨無子絕成帝復立孝王子守是為靖王立二十年薨子宏嗣三年王莽時絕凡六傳一百一十九年

高密 哀王弘廣陵厲王小子宣帝本始元年封為高密王八年薨子頃王章嗣三十四年薨子懷王寬嗣十一年薨子慎嗣二十九年王莽時絕凡四傳八十二年昌邑 哀王髡武帝子天漢四年立十一年薨子賀嗣十三年昭帝崩無嗣徵典喪即皇帝位二十七日以淫亂廢歸故國賜湯沐千戶國除為山陽郡凡再傳一十四年

宣帝子為王者凡四國

淮陽 憲王欽宣帝子元康三年封立三十六年薨子
文王元嗣二十六年薨子續嗣九年王莽時絕凡三傳
七十一年

楚 孝王囂宣帝子甘露二年立為定陶王三年徙王
楚二十八年薨子懷王文嗣一年薨無子國絕成帝復
立文弟平陸侯衍是為思王二十一年薨子紆嗣十年
王莽時絕凡四傳六十年

東平 思王宇宣帝子甘露二年封立三十三年薨子

煬王雲嗣十六年坐息夫躬告祝詛廢自殺國除元始
元年立雲子開明為東平王三年薨無子復立開明兄
信子匡為東平王王莽居攝東郡太守翟義舉兵立信
為天子兵敗為莽所滅凡四傳五十一年

中山 哀王竟宣弟子初元二年立為清河王三年徙
中山立十三年薨無子國除

元帝子為王者凡二國

定陶 共王康元帝子元光三年立為濟陽王八年徙

為山陽王八年徙王定陶十九年薨子欣嗣十五年成
帝徵為皇太子成帝崩即位是為哀帝成帝立楚思王
子景為定陶王奉共王後哀帝追尊共王為共皇置寢
廟京師乃徙定陶王景為信都王十三年王莽時絕凡
三傳四十七年

中山 孝王興元帝子建昭二年封為信都王十四年
徙中山三十年薨子衍嗣七年哀帝崩無子徵中山王
衍入即位是為平帝立東平思王孫桃鄉頃侯子成都

為中山王奉孝王祀八年王莽時絕凡三傳四十五年
漢諸侯王金璽盭綬

諸侯王朝見天子漢法凡當四見始到入小見到正
月朔旦奉皮薦璧玉賀正月法見後三日為王置酒
賜金錢財物後二日復入小見辭去凡留長安不過
二十日小見者燕見於禁門內飲於省中非士人所
得入也梁孝王西朝因留且半歲入與人主同輦出
與同車示風以大言而實不與令出怨言謀畔逆乃

隨而憂之不亦遠乎非大賢人不知退讓今漢之儀
法朝見賀正月者常一王與四侯俱朝見十餘歲一
至今梁王常比年入朝見久留鄙語曰驕子不孝非
惡言也

右褚先生為郎時聞於宮殿中老郎吏好事者之
語然足以見漢諸王朝見之典云

景帝中五年令諸侯王不得復治國天子為置吏

武帝初即位大臣懲吳楚七國行事議者多寃鼂錯

之策皆以諸侯連城數十秦強欲稍侵削數奏暴其過惡諸侯王自以骨肉至親先帝所以廣封連城犬牙相錯者為磐石宗也今或無罪為臣下所侵辱有司吹毛求疵笞服其臣使證其君多自以侵寃建元三年代王登長沙王發中山王勝濟川王明來朝天子置酒勝聞樂聲而泣問其故勝對曰臣聞悲者不可為繁欵思者不可為歎息故高漸離擊筑易水之上荆軻為之低而不食雍門子壹微吟孟嘗君為之

於邑今臣心結日久每聞幼眇之聲不知涕泣之橫
集也夫衆噓漂山聚蟲成雷朋黨執虎十夫撓權是
以文王拘於羑里孔子阨於陳蔡此乃烝庶之成風
增積之生害也臣身遠與寡莫為之先衆口爍金積
毀銷骨叢輕折軸羽翮飛肉紛驚逢羅潜然出涕臣
聞白日曦光幽隱皆照明月耀夜蚊蟲宵見然雲烝
列布杳冥晝昏塵埃拂覆昧不見泰山何則物有蔽
之也今臣雍闕不得聞讒言之徒蝨生道遼路遠曾

莫為臣聞臣竊自悲也臣聞社稷不灌屋鼠不熏何則所託者然也臣雖薄也得蒙肺腑位雖卑也得為東藩屬又稱兄今羣臣非有葭莩之親鴻毛之重羣居黨議朋友相為使夫宗室擯卻骨肉冰釋斯伯奇所以流離比干所以橫分也詩云我心憂傷惄焉如擣假寐永歎惟憂用老心之憂矣疾如疾首臣之謂也具以吏所侵聞於是上乃厚諸侯之禮省有司所奏諸侯事加親親之恩焉其後更為主父偃謀令諸

侯以私恩自裂地分其子弟而漢為定制封號輒別屬漢郡漢有厚恩而諸侯稍自分析弱小云

班固諸侯王表序曰漢興之初海內新定同姓寡少懲戒亡秦孤立之敗於是剖裂疆宇二等之爵

項羽曰漢封功臣大者王小者侯也功臣侯者百有餘邑尊王子弟

大啓九國師古曰九國之數在下也自鴈門以東盡遼陽為燕

代師古曰遼陽遼水之陽也常山以南大行左轉渡河濟漸於

海為齊趙師古曰大行山名也左轉亦謂自大行而東也漸入也一曰浸也行音胡郎反

漸音子廉反亦讀如本字

穀泗以往奄有龜蒙為梁楚

晉灼曰水經云

泗水出魯卞縣臣瓚曰穀在彭城泗之下

東帶江

流為穀水師古曰奄覆也龜蒙二山名

湖薄會稽為荆吳文穎曰即今吳也高帝六年為荆國十年更名吳師古曰荆吳

同是一國也

北界淮瀕略廬衡為淮南

師古曰瀕水涯也音頻又音賓

廬衡二山名也

波漢之陽亘九嶷為長沙

鄭氏曰波音陂澤之陂孟康曰

亘竟也音古贈反師古曰波漢之陽者循漢水而往也水北曰陽波音彼皮反又音彼幾反九嶷山

名有九峯在零陵營道嶷音疑

諸侯比境周市三垂外接胡越師古

曰比謂相接次也三垂謂北東南也比音頻寐反

天子自有三河東郡潁

川南陽

師古曰三河河東河南河內也

自江陵以西至巴蜀北自

雲中至隴西與京師內史凡十五郡公主列侯頗

邑其中

師古曰十五郡中又往往有列侯公主之邑

而藩國大者夸州

兼郡連城數十

師古曰夸音跨

宮室百官同制京師可謂

橋枉過其正矣

師古橋與矯同枉曲也正曲曰矯言矯秦孤立之敗而大封子弟過

於強盛有失中也

雖然高祖創業日不暇給孝惠享國又

淺高后女主攝位而海內晏如

師古曰晏如安然也

亡狂狡

之憂卒折諸呂之難成太宗之業者亦賴之於諸

侯也然諸侯原本以大末流濫以致溢小者淫荒

越法大者睽孤橫逆以害身喪國

師古曰易睽卦九四爻辭曰睽

孤見豕負塗睽孤乖刺之意

故文帝采賈生之議分齊趙景帝

用鼂錯之計削吳楚武帝施主父之策下推恩之

令使諸侯王得分戶邑以封子弟不行黜陟而藩

國自析自此以來齊分為七

師古曰謂齊城陽濟北濟南淄川膠西膠

東是趙分為六

師古曰謂趙平原真定中山廣川河間也

梁分為五

師古

曰謂梁濟川濟東山陽濟陰也

淮南分為三

師古謂淮南

皇子始

立者大國不過十餘城長沙燕代雖有舊名皆亡

南北邊矣

如淳曰長沙之南更置郡燕代以北更置緣邊郡其所有饒利兵馬器械三國

皆失景遭七國之難抑損諸侯減黜其官

師古曰謂改丞

相曰相省御史大夫廷尉少府宗正博士損大夫謁者諸官長丞員等也

武有衡山淮

南之謀作左官之律

服虔曰仕於諸侯為左官絕不得使仕於王朝也應劭曰

人道上右今舍天子而仕諸侯故謂之左官也師古曰左官猶言左道也皆僻左不正應說是也漢

時依上古法朝廷之列以右為尊故

設附益之法

張晏曰律鄭氏說封諸侯過限曰附益或曰阿媚王侯有重法也師古曰附益者蓋取孔子云求也

為之聚斂而附益之之義也諸侯惟得衣食租稅皆背正法而厚於私家也

不與政事至於哀平之際皆繼體苗裔親屬疏遠

師古曰言非始封之君皆其後裔也故於天子益疏遠矣生於帷牆之中不為

士民所尊勢與富室亡異而本朝短世國統三絕

師古曰謂成哀平是故王莽知漢中外殫微本末皆早崩又無繼嗣

俱弱師古曰殫盡也音單亡所忌憚生其姦心因母后之權

假伊周之稱顓作威福廟堂之上不降階序而運

天下師古曰序詐謀既成遂據南面之尊分遣五謂東西廂

威之吏馳傳天下班行符命漢諸侯王厥角顴首

應劭曰厥者頓也角者顴角也稽首至地也言王莽漸漬威福日久亦值漢之單弱王侯見莽篡弑莫敢怨望皆頓角稽首至地而上其璽綬也晉灼曰厥猶豎也叩頭則顴角豎師古曰應說是也顴與稽同 奉上璽韍惟恐在後師古曰韍音弗璽之組也或廼稱美

頌德以求容媚豈不良哉是以究其終始強弱之變明監戒焉

漢興設爵二等曰王曰侯皇子而封為王者其實古諸侯也故謂之諸侯王王子封為侯者謂之諸侯羣臣異

姓以功封之謂之徹侯大者不過萬家小者五六百戶
以為差降古分土而無分民自漢始分民而諸王國皆
連城數十踰於古制其諸侯功德優盛朝廷所敬異有
賜特進者其位在三公下其次列侯有功德天子命為
諸侯者謂之朝侯其位次九卿下皆平冕文衣侍祠郊
廟其稱侍祠侯者但侍祠而無朝位其非朝侯侍祠而
以下土小民或以肺腑宿親若公主子孫或奉先侯墳
墓在京師者亦隨時見會謂之猥諸侯凡諸王侯皆金

璽螭綬

古者印璽通名今則尊卑有別漢舊儀云諸侯王金印黃金橐駝鈕文曰璽謂刻曰某王之璽

赤地綬列侯黃金印龜鈕文曰某侯之印紫綬

掌治其國王常冠遠遊冠綬五

采而多朱自稱曰寡人教曰令凡諸侯王官其傅為太

傅相為丞相又有御史大夫諸卿皆秩二千石百官皆

如漢朝漢朝惟為置丞相其御史大夫以下皆自置之

及七國作亂之後景帝懲之遂令諸侯王不得治民令

內史治之改丞相曰相省御史大夫廷尉少府宗正博

士官武帝改漢內史中尉郎中令之名

內史為京兆尹中尉為執金吾

郎中令為
光祿勳

而王國如故員職皆不得自置又令諸王得

推恩封子弟為列侯於是齊分為七趙分為六梁分為

五淮南分為三又令諸侯十月獻酎金不如法者國除

其縣邑皆別屬他郡千戶置家丞不欲者聽之作左官

之律附益之法自後諸侯王唯得衣食租稅至成帝綏

和元年省內史更令相治民

大司空何武奏罷內史相如太守中尉如都尉參職

是後中尉爭權與

太傅但曰傳

史記梁孝王景帝母弟竇太后少子築東苑方

王相奏常不和

三百餘里為複道自宮連屬於平臺四十餘里賜天子
旌旗千乘萬騎擬於天子出蹕入警招延四方豪傑山

東遊士莫不至焉又曰河間獻王景帝子也好儒學被服造次必於儒者山東諸儒多從之遊

漢初

論功封列侯者凡百四十有三人

蕭何為冠

外戚與定天下

者二人凡列侯金印紫綬大者食縣小者食鄉亭得臣

所食吏民凡皇帝之女為公主皆列侯尚之

周制王姬下嫁於諸

侯以同姓諸侯主之公者諸侯之尊稱故謂之公主後漢荀爽上疏曰漢承秦法設尚主之儀以妻制夫以卑

臨尊者宜改尚主之制以稱乾坤之性

王國有傳

掌輔導王初曰太傅後除太字史記曰賈

誼為梁懷王太傅王墮馬死無後賈

相主統衆官後省

生自傷為傳無狀哭泣歲餘亦死

內史而相理民

如郡太守史記曰曹參相齊聞膠西有蓋公善治黃老言乃厚請之蓋公曰治道貴清淨清淨民自定參用其

術齊國安集及入為漢相屬其後相曰以齊獄市為寄
慎勿擾也夫獄市者所并容也今若擾之姦人安所容
乎吾是以先之也又曰石慶為齊相舉國皆慕
其家行不言而齊國大治為立石相社也

內史

治國

民中尉掌武郎中令

秩千石

僕本曰太僕改曰僕墨綬

文學

宋志云前

漢王國已置文學

大司農衛士長太倉長

齊善豎淳于意為之

列侯國亦

有相

改所食國令長為之漢初侯王有丞相兼有相國按史記周勃破燕王廬綰得相國一人丞相二人

景帝餘略與王國同公主有公令門尉其有賜重封者

張晏曰重封益祿也臣瓚曰增封顏師古曰重封謂加二號耳

成帝鴻嘉三年詔七大

夫以上皆令食邑

秦本制列侯乃得食邑七大夫即公大夫

非七大夫以下

皆復其身及戶勿事

一戶之內皆不徭賦

是歲又令吏民得買爵

賈級千錢

文獻通考卷二百六十五



總校官庶吉士臣張能照

校對官庶吉士臣嚴福

謄錄監生臣徐大豐